



Fru Naja Nathanielsen,  
tamassa

**Uuliasiornermut aatsitassarsiornermullu periusissiaq 2014-2018-imut § 37-mi  
apeqqutinut nr. 051-imiittunut akissutit**

Inatsisartut suleriaasianni § 37, imm. 1 naapertorlugu Uuliasiornermut aatsitassarsiornermullu periusissiamut tunngassuteqartunik Naalakkersuisunut apeqqutillimisavutit. Apeqqutit suliassaqaqfinit akissuteqarfignissaannut innersuunneqarsimapput.

13. marts 2014  
Sagsnr. 2014-096908  
Dok. Nr. 1515486

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.naalakkersuisut.gl

Suliarinninnermut tunngatillugu

1. **Ullaq 15. februar tusagassiuutitigut nalunaarutikkut erserpoq Kalaallit Nunaa-  
ta uuliasiornermut aatsitassarsiornermullu 2014-2018-imut periusissiaa  
maanna inaarsarneqarsimalersoq<sup>1</sup> taamaasillunilu Naalakkersuisunit akuer-  
sissutigineqarsimasoq. Naalakkersuisut isumaqarpat Aatsitassanut inatsim-  
mi § 4, imm. 3<sup>2</sup> malillugu taamatut iliornissamut pisussaaffilerneqarsimagalu-  
arnertik naapertorlugu periusissiaq pillugu Aatsitassanut Ataatsimiititaliaq  
arlaatigut ilisimatissimagitsik?**

Akissut:

Uuliasiornermut aatsitassarsiornermullu periusissiaq Inatsisartunut nassiunneqarpoq kissaatigineqarluni UPA 2014-imi Inatsisartut oqaluuserisassaanni periusiap ilanngunneqarnissaa. Taamaattorli Inatsisartut siullittaasoqarfiata aalajangiussimavaa periusissiaq taamaallaat agguanneqassasoq. Tassunga atatillugu Inatsisartut Siullittaasoqarfiata nalunaarutigisimavaa periusissiamik Aatsitassanut Ataatsimiititaliap oqaluuserisaqarnissaa naatsorsuutigineqartoq. Periusissiamut allaqqaagaq tamanut ammasumik poiffissami 10. januar 2014-imit 7. februar 2014-imut tusarniaassutaasimavoq.

24. januar 2014-imi pisussanngorlugu periusissiamut allaqqaagaq pillugu ataatsimiinnissamut Naalakkersuisut Aatsitassanut Ataatsimiititaliaq 6. januar 2014-imi qaaqqaat. Tassunga atatillugu periusissiamut eqikkaassutitalik power point nassiunneqarpoq. Ataatsimiinnissamut aggersinnaannginnertik Aatsitassanut Ataatsimiititaliap aalajangiuppaa.

§ 4, imm. 3-mi aalajangersakkamut, aatsitassanut inatsisip 2012-imi allanngortinnerani ilanngunneqartumut oqaaseqaatini allasimavoq inuiaqatigiinnut imaluunniit avatangiisinut pingaarutilimmik sunniuteqarsinnaasut pissutit pillugit aalajangi-

<sup>1</sup> Oqaatigineqarpoq inaarutaasumik periusissiaq Inatsisartunut nassiunneqarsimasoq

<sup>2</sup> § 4, stk. 3:

"Sammisanik aalajangiussisoqartinnagu inuiaqatigiinnut imaluunniit avatangiisinut pingaarutilimmik sunniuteqarsinnaasut pissutsit pillugit sammisanik Inatsisartut ataanni ataatsimiititaliamut pingaarutilimmut Naalakkersuisut ilisimatitsissapput."

soqartinnagu Inatsisartut ataanni ataatsimiititaliap pingaaruteqartup ilisimatinneqar-tassanera pillugu allannguut Inuussutissarsiornermut Ataatsimiititaliamit kissaatigi-samit tunngaveqartoq.

Taamaalilluni aatsitassanut inatsit malillugu Naalakkersuisut pingaarutilittut pivi-usunik aalajangiussinerannik ilisimatitsinissamik pisussaaffeqarneq tunngasuuvuq. Aatsitassanut inatsit malillugu periusissiaq aalajangiussaangilaq, tassaallunili aat-sitassarsiorfiusumik ineriartortitsinissamut Naalakkersuisunut periusissiatut sak-kussarisaaq, tamannalu ilutigalugu aatsitassarsiornermik suliaqarfiusumi Naalak-kersuisut politikkissatut ingerlanniagaat pillugu inuiaqatigiinnut aatsitassarsiorner-millu tunisassiorfissuarnut ilisimatitsissutaalluni. Taamaattumik Naalakkersuisunut aamma inuiaqatigiinnut periusissiaq naleqperfitut pingaarutilittut isigineqassaaq.

- 2. Tusarniaanerp sapaatit akunnerinik sisamanik sivisussuseqartup sivikippal-laarnera pillugu Sulisitsisut Kattuffiat tamanut ammasumik isornartorsiui-pup. Isornartorsiuinermik tamatuminnga tusaanngitsuusaarusunnertik Naalakkersuisut sunik tunngaveqartippaat?**

Akissut:

Eqqorpoq tusarniaanermut piffissarititaq sap. akunnerinik sisamanik sivisus-suseqartoq pillugu Kalaallit Nunaanni Sulisitsisut Peqatigiiffiat tusarniaanermut akissummini isornartorsiuisoq. Nassuiaatinut/periusissianut tunngatillugu tusar-niaanermut piffissarititaq tamanna takornartaanngitsuusoq Naalakkersuisut naliliis-utigaat.

Ilaatigut tunisassiorfissuarmut pitsaasunik tusarniaanermut akissutinik pissarsi-aqartoqarpoq, taakku inaarutaasutut periusissiami pingaarutilinnik naleqqussaa-nernik nassataqarsimallutik.

Kiisalu oqaatigineqassaaq periusissiaq tassaammat suliaasaqarfimmi naalak-kersuisooqatigiit politikkiata atuutsilerneru, taamaattumik periusissiami sammi-neqartut arlallit tupaallaataarujussuaatigineqarsinnaanngillat.

- 3. Naalakkersuisoq Jens-Erik Kirkegaard KNR-imi Oqalliffimmi 18. februar aal-lakaatinneqartumi oqarpoq oqallinneq taanna taaneqartoq innuttaasunik peqataatitsiner-mut assersuutaasoq. Naalakkersuisut ilumoornerarsinnaavaat oqallinnerit aallakaatitassiarineqartartut KNR-imit namminermit inger-lanneqartartut sunik sammisaqarfiusassanersut Naalakkersuisut aalajan-gersartartussaangikkaat taamaattumillu oqallinnermik aallakaatitassiaq pineqartoq Naalakkersuisut innuttaasunik peqataatitsinerannut ilaasutut isi-gineqarsinnaanngitsaq?**

Akissut:

KNR-ip oqallinnermik aallakaatitassiamini sammisassat sorliit Naalakkersuisut aal-ajangertanngikkaat Naalakkersuisut uppernarsarsinnaavaat.

- 4. Periusissiap kinguneri pillugit ingerlatsisunut paasissutissiinissamik Naalak-kersuisut pilersaaruteqarpat? Tamatumunnga ilagitillugit so-qutigisaqatigiiffiit aammalu uuliasiornermik aatsitassarsiornermillu sulia-qarfimmiut?**

Akissut:

Periusissiaq tassaavoq ukiuni takkuttussani aatsitassarsiorfiusumi ineriartortitsinis-samut Naalakkersuisut iliussatigut sunik anguniagaqarnerannik tamakkiisumik saqqummiussineq.

Periusissiaq anguniagassanik piviusunik arlalinnik imaqarpoq, ilaatigut royaltymik aamma akileraartitsinermik ilutsinik, neqeroortitsivissatut sumiiffinnik, aammalu avatangiiisini geologiimilu iliuuserisanik ineriartortitsinernik.

Nunami maani aatsitassarsiornikkut ineriartortitsineq pillugu kikkut tamarmik oqallit-tuarnissaannut periusiap torersutut kaaviiarfissaanera Naalakkersuisut isigaat. Upernaami ataatsimiinneq nangillugu Naalakkersuisut innuttaasunik ataatsimiisitsi-nermik ataatsimiisitsinermillu allanik ingerlassaqassapput, Naalakkersuisut politik-kiannik siamasissumik ilisimasaqarnerup isumannaarnissaa siunertaralugu.

- 5. Inatsisartuni partiit akornanni periusissiap imaanik anguniagaanillu politik-kikkut isumaqatigiinngittoqarnera sinaakkutissatut piumasaqaatit pillugit po-litikkikkut allannguajaassuseqanngittoqarneratut aningaasaliisartunit paasi-neqarsinnaaneranik paasinninnera Naalakkersuisut isumaqataaffigivaat?**

Akissut:

Naagga, demokratiimi kikkut tamarmik oqallinnera, ilanngullugulu politikikkut isummersuutit assigiinngitsut pissusissamisoorput.

- 6. Naalakkersuisut isumaqarpat taamatut inaarutaasumik iluseqarluni peruisis-siaq Inatsisartuni amerlanerussuteqarluartunit erseqqissumik ilalernerqartoq?**

Akissut:

Inatsisartuni amerlanerussuteqartunit periusissiap inaarutaasutut iluserisaanut ta-persersuisoqartoq Naalakkersuisut isumaqarput.

- 7. Naalakkersuisut qinnuigissavakka tusarniaassutissatut missingersuutip saqqummiunneqarneranit Inatsisartunut agguaanneqartumut 8. februar ullu-lerneqarsimasumut aqquataani allannguutit suunersut nalunaarsoqqullugit.**

Akissut:

Naalakkersuisut tusarniaanissamut nalunaarusiaq inaarsarpaat. Taanna naam-masseriarpat pingaartumik malinnaasillugu nassiunneqarumaarpoq.

#### Imarisaanut tunngatillugu

- 8. Aatsitassarsiornermut tunngaatigut akileraarusersueriaatsit pillugit malittari-sassat maanna atuuttut erseqqissaavigineqarnerannik imaqartumik Naalak-kersuisut ilanngussamik sanatitsinnaappat? Ilusiliat assigiinngitsut atorunnaarsinneqarsimasut periusissiami aamma taagorneqarmata tamak-kerlugit isiginninnissaq ajornakusoorpoq.**

Akissut:

Ilanngussaq takullaqquneqarpoq.

- 9. Periusissiami allassimavoq sulisussat taakkua sunniuteqarluarnerulersitsi-niaanerup naammassisaqarsinnaanerullu pitsanngorsaavigineqarnerata ma-litsigisaanik suliffissanit allanit pissarsiarineqassasut<sup>3</sup>. Inuussutissarsiutit atorfiillu sordiaanukua tigussaasumik eqqarsaatigineqartut?**

Akissut:

---

<sup>3</sup> Takuuk periusissiap kalaallisuuani qupperneq 22.

Aatsitassarsiornermik suliniutit tassaagajupput inuiaqatigiit anginngitsuusut, aatsitassarsiorfimmil suliarisarpiaat tassungalu ilaasutut aatsitassalerinermik suliaqarfiit saniatigut najugaqarfittallit, nerisarfittallit, errorsisarfillit, sannavillit, toqqorsivillit, nammineq innaallagissiorfillit, kiassarnermik pilersuisoqarfillit, namminneq imermik imigassamik pilersuivillit, erngup eqqakkap saliisarfillit, umiarsualivillit, suliffiup iluani angallassivillit, allattoqarfillit il.il.

Taamattumik sulianik aalajangersimasunik sulisoqatigiippasuit pisariaqartinneqasapput, aammalu ilinniagaqarsimannngitsunik pitsaasunik suliffissaqassalluni.

Aatsitassarsiornermik suliniutip atuuffiani ukiumit ukiumut nunatsinnit sulisartut piginnaangorsarnikkut ilinniagaqarnikkullu amerliartuaartinneqarnissaat anguniagaavoq. Ilanngullugit nunatsinnit suliffeqarfiit pilersuisooqataasutut atuuffigisaat sakkortusarneqassapput, suliffeqarfiit ilisimasanik piginnaasanillu pissarsiaqartuaarneri ilutigalugit.

Aalisartut/piniartut nunamilu suliffinni sulisut amerliartuinnartut isertitakillutillu pisortanit ikiorsiissutisarnernerup akornanni pissarsiaqartartuupput, amerlappullu SIK-p minnerpaamik aningaasarsiaqarfiisa ataanni ukiumut isertitaqartartut. Sulisartut suliamikkut allanut nuunnissaannik tamanna isumaqarpoq.

Ajornartorsiummut tassunga ataasiinnarmik pisariunngitsumik aaqqiissutissaqanngilaq, taamaattumillu aatsitassarsiornermut periusissiamut Suliffeqartitsinermut periusissiaq nutaaq ilanngunneqarsimavoq.

Naalagaaffigisami sulisartut pisariaqartunik piginnaaffeqassappata, piffissamilu eqqortumi nuussinnaassuseqassappata aatsitassarsiornermik ineriartortitsinik taamaallaat tamakkiisumik aningaasaqarnikkut isumaginninnermilu iluanaaruteqarfigisinnaavarput.

Tamanna *piginnaassutsit, nuttarsinnaassutsip aamma suliffinnut tulluarsarnernut* tunngatillugu, 2014-2017-imut Suliffeqartitsinermut periusissiap nutaap sammisari-niagaanik unammillerfissat tamakku aaqqiivigineqarnissaannik tunngaveqarpoq.

**10. Periusissiami allassimavoq aatsitassarsiornermik suliniutinut atatillugu telekkut attaveqarfinnik sanaartorlunilu ingerlatsinerup ammanerulersinnissaa naapertuuttuunersoq Naalakkersuisunit misissuiffigineqassasoq<sup>4</sup>. Suliaq taanna qaqugu aallartissangatinneqarpa qaqugulu naammassineqassanga-tinneqarpa aammalu misissueqqissaarneq pillugu Inatsisartut Sanaartorner-mut Ataatsimiititaliaat ingerlaavartumik ilisimatinneqartassava?**

Akissut:

Pissarsiarineqarpat misissueqqissaarineq pillugu Inatsisartuni Sanaartornermut Ataatsimiititaliamut Naalakkersuisut ilisimatitsinissaminnut tunuarsimaanngillat. Misissueqqissaarineq 2015-ip naanera sioqqullugu naammassissasoq naatsor-suutigineqarpoq.

Telemik suliassaqarfimmu akisussaaffeqartup Peqqissutsimut Attaveqarnermullu Naalakkersuisoqarfiup nalunaarutigisimavaa attaveqarfiusumik ammanerulersitsi-neq, pisortat telekkut attaveqarfiannut aatsitassanik suliniummik attaviliisoq Inatsisartut inatsisaannik nutaamik pisariaqartitsissasoq. Attaveqarfiit, ilanngullugit aatsitassarsiornermik suliniutaasunut atatillugu telekkut attaveqatigiiffiliorlunilu ingerlatsinerit ammanerulersinnissaat pillugit maannakkut pilersaaruteqartoqanngi-laq. Taamaattumik aatsitassarsiornermik suliniutip aamma pisortat telekkut atta-

<sup>4</sup> Immikkoortoq 7.7.4, periusissiap kalaallisuuani qupperneq 103

veqarfiata akornanni aqquataasumi akuersissummik pissarsiniarluni qinnuteqarsinnaanermut aatsitassarsiornermik suliniutit akuerineqarnissaat aamma misissueqqaarinermi isumaliutigineqassaaq. Taamatut akuersissuteqarneq maannakkut sinaakkutaasut iluini tunniunneqarsinnaassaaq, aammalu aningaasartuutit nalinginnaasumik nunatsinnit telemut niuertartuusunit nammataritinnagit attaveqarfiusumi sunniuteqarluartumik aningaasaliinermik isumannaarisinnaassalluni. Assartuivittut attaveqatigiiffiup ilaanut akuersissummik tunniussaqaarnissamik aalajangiussinerusinnaaneq tassuuna iluaqutaasut ajoqutaasullu sukumiisumik nalilersorerinerisa kingornatigut pissaaq. Inatsisartuni ataatsimiititaliat pingaarutillit aalajangiisinaanerni Naalakkersuisut ilisimatitsivigissavaat.

- 11. Naalakkersuisut periusissiami oqarput kissattoornermi gassit aniatitaanerisa sapinngisamik annikillisinniarnissaat sulissutigerusukkitsik. Kisiannili ermut nukinga atorlugu nukissiornerit periarfissaanerat taamaallaat periusissiami eqqaaneqarpoq – nalilerneqarlunilu suliniutit ilisimaneqartut arlaannaasaluunniit ermut nukinga tamanna atorsinnaassanngikkaat. Nukissiuutit ataavartut allat periarfissaanerat ataatsimilluunniit eqqaaneqanngilaq. Nukissiuutit ataavartut tamakkiisumik ilaannakortumilluunniit atorneqarnissaat pilugu Naalakkersuisut piviusumik piumasaqaateqalersaarpap?**

Akissut:

Aatsitassanut inatsimmi §§ 55-57 malilugit silap pissusaanik ajortisaanaveersaarnissap imaluunniit allatut killup tungaanut sunniuteqarnissap sianiginniffiginissaanik akuersissuteqarnerup nalunaarutigineqarnissaa imaluunniit ilaatigut atuinissamik suliaqarnerit akuerisissutigineqarnissaat pillugit aalajangiinerni Naalakkersuisut pingaartitsiniassapput. Suliarisaq imaluunniit ingerlatsineq silap pissusaanut killup tungaanut sunniuteqassanersoq avatangiisinut sunniutaasussanik nalilersuineri (vurderinger af virkninger for miljøet (vvm)-ini), aatsitassanik atuinissamik akuersissutaasup nalunaarutiginera sioqqullugu aatsitassanut inatsit malillugu suliarineqartussami allassimassaaq. Aatsitassanik atuinernik akuersissuteqarnerni ataavartunik nukissiuutininik atuinernut tunngatillugu piumasaqaatinik ilanngussaqaarnerit piviusut nunap pissusaanut (topografiskinut), silap pissusaanut aamma geografiskimik pissutsit piviusut sinnerlugit tunngaveqarput, ilaatigut ingerlatseqatigiiffinnit akilersinnaassutsimik misissuinerit suliarineqartunit aamma siuliani avatangiisinut sunniutaasussanik nalilersuinerit (vvm-it) tunngavigalugit.

Kiisalu aatsitassanut inatsimmi § 19 malilugu atuisoqarnerup aallartisarnera sioqqullugu atuinissamik pilersaarussiaq Naalakkersuisut akuersissutigissavaat. Tassunga atatillugu Naalakkersuisut aatsitassanut inatsimmi § 20 naapertorlugu ilaatititut nukissiorfilliornermut ingerlatsinermullu piumasaqaatit erseqqinnerusumik aalajangersakkat najoqqutaralugit akuersissummik nalunaaruteqarsinnaapput.

Erngup nukissiornermut neriuartumut tunngatillugu periusissiami taaneqartut Naalakkersuisut *"pisortat namminersortullu soqutigisaat iluanaarniuteqarneq tunngavigalugu ataqatigiissitsinermik periarfissaq misissussavaat, taamaalilluni erngup nukissiornermut neriuartut aatsitassarsiornermik suliniutinut takkuttussanut atatillugu sapinngisamik pitsaanerpaamik atorneqassallutik"*.

GeoSurvey Kalaallit Nunaannut tunngatillugu

- 12. GEUS-ip ingerlataanik tigusinissaaq aamma GeoSurvey Kalaallit Nunaata pilersinneqarnissaa Naalakkersuisut qanoq akeqassangatippaat? Tamanna qanoq ililluni aningaasalersorneqassava aammalu tamatuminnga suliaqarneq qaqugu aallartinneqarlunilu naammassineqassangatinneqarpa?**

Akissut:

GSG-p tamakkiisumik ilanngussorneqarneratigut 40 mio. kr.-nik ingerlatsinissamut aningaasaliiffigineqassanera naatsorsuutigineqarpoq, tassungalu ilaliutissapput suliniutinut aningaasaliissutit 11,5 mio. kr.-t. Inuusutissarsiornermut, Aatsitas-saqarnermut Suliffeqarnermullu Naalakkersuisoqarfimmi geologiimut immik-koortoqarfianut maannakkut ingerlatsinissamut aningaasaliissutit 8 mio. kr.-upput, maannakkullu suliniutinut aningaasaliissutaasut 11,5 mio. kr.-ullutik. Taamaalilluni annertusisanik isertitassat sianiginissaat sioqqullugit ilassutitut aningaasaliissutit 32 mio. kr.-ussapput.


13. KNR-ip 18. februar oqallinnermik aallakaatitsinerata kingornatigut GEUS naqqiuteqarpoq, uparuarlugu GEUS-ip aningaasaqarnikkut inissisimanera pillugu oqallinnerup ingerlanerani Aatsitassarsiornermut Naalakkersuisoq kukkusumik oqaaseqarsimasoq. GEUS-ip naqqiuteqarnera Naalakkersuisut oqaaseqaateqarfiginialersarpaat GEUS-ilu ilaarlugu kalaallit pilersinniagaasa (GeoSurvey Kalaallit Nunaata) oorisuutigineqarsinnaaneranut Naalakkersuisut ilimasuuteqarnerannik tamanna allannguiva?

Akissut:

Soorlu manna tikillugu isertitanik matussuseqartumik suliffeqarfimmut neriunarlu-artoqarnera Naalakkersuisut naatsorsuutigaat. Pilersaarusionermik tunngavigisa-minni Naalakkersuisut GeoSurvey Greenlandip sinneqartooruteqarfiunissaa suli-aqarfigisimangilaat.

Inussiarnersumik inuulluaqqusillunga

Med venlig hilsen



Jens-Erik Kirkegaard

**Royaltymut akileraartitsinernullu iluatsinut tamanik takussutissiaq – Kalaallit Nunaata  
uuliasionermut aatsitassarsionermullu periusissiaa 2014-2018**

Uulia aamma gassi	Aatsitassat – taamaattorli pinnagit aatsitassaq qaqutigootut, urani ujaqqallu erlinnartu	Aatsitassat qaqutigootut	Urani	Ujaqqat erlinnartut
Qaqugumulluunniit atuuttut ingerlatseqatigiiffimmut / iluanaarutinut akileraarutit	Qaqugumulluunniit atuuttut ingerlatseqatigiiffimmut / iluanaarutinut akileraarutit	Qaqugumulluunniit atuuttut ingerlatseqatigiiffimmut / iluanaarutinut akileraarutit	Qaqugumulluunniit atuuttut ingerlatseqatigiiffimmut / iluanaarutinut akileraarutit	Qaqugumulluunniit atuuttut ingerlatseqatigiiffimmut / iluanaarutinut akileraarutit
Kaaviiartitanut royalty 2,5 %	Kaaviiartitanut royalty 2,5 %, ingerlatseqatigiiffimmut / iluanaarutinut akileraarutit royaltymit ilanngaatigineqarlutik ukiumut ataatsimut.	Kaaviiartitanut royalty 5 %, ingerlatseqatigiiffimmut / iluanaarutinut akileraarutit royaltymit ilanngaatigineqarlutik ukiumut ataatsimut.	Kaaviiartitanut royalty 5 %.	Kaaviiartitanut royalty 5 %.
Sinneqartoorutininik tunngaveqartut royalty, 7,5 %, 17,5 % aamma 30 %, isertitat amerliartuaartut akitsuutinik amerliartuaartunik 35 %-imik, 45 %-imik aamma 55 %-imik qaangiigaangata akilerneqartussat				Sinneqartoorutinut royalty, tamakkiisumik ukiumut ataatsimut 40 % sinnerlugu iluanaarutaasunik tunngaveqartoq, 15 %-imik akimik akileraarusiisoqarluni.
Namminersorlutik Oqartussat ingerlatseqatigiiffianni (Nunaoil A/S-imi) 6,25 %-imik piginneqataalluni peqataaneq, ujartuinerup nalaani nammatarineqartoq.				